



Jumat, 21 Januari 2022
Ogen: Heber 11:1



"Erkiniteken"



Ngerana kerna kiniteken ertina ngerana kerna hubungannta ras Dibata, uga komunikasi si teptep wari ras IA. Uga kita nuriken kerina keciblta man baNa, uga ka kita megiken ras makeken kataNa. Hubungan e timbal balik, nuri-nuri kita man Tuhan janah sibegiken ka ia nerana man banta. E me dalan-dalanna kita nggeluh nandai Dibata ras tek man baNa. Tapi, melala kalak Kristek si tek man DIBata labo jadi kalak si erkiniteken. Payo ntah lang? Sebab ia terjeng tek lit Dibata tapi la erkomunikasi mehuli ras Dibata. Kam bas posisi si apai? Tek kam man Dibata? Nggo nge kam erkiniteken man Dibata? Mari sisiksiki pusuh ras geluhta selaku kita jadi kalak Kristen.

Manusia si nggo nandai Dibata harusna meteh kerna dalan-dalan simabai ia terbagesen nandai ise kin DIBata e ras kai kin situhuna sura-sura Dibata nandangi kegeluhenta sekalak-sekalak. Adi la sieteh kai sura-sura Dibata e me labo mungkin kita erkiniteken man baNa? Kitab Heber enda me jadi sada bukti man banta guna ngangkai kerna dalan-dalanna kita tek man Dibata. Apai nge susahen? Tek man Dibata atau erkiniteken man Dibata? Tentuna erkiniteken man Dibata. Tek man Dibata sekedar nandai Dibata, ise kin Ia situhuna. Tapi adi erkiniteken man Dibata, berarti mabai kita nggeluh makeken sura-sura Dibata bas kegeluhenta.

Kita nandai Ia si la pernah si idah, tapi i je me kita ituntut guna nandai Ia ras ndalanken pedah-pedah ras sura-suraNa bas kegeluhenta enda. Adi siukuri secara doni, mesera kita tek man si lenga pernah si idah. Mari kentisik sirenungken uga nge situhuna kinitekenta nandangi Dibatanta e? Pepayolah kinitekenta e, Petangkaslah penandaita kerna Dibatanta e. Seh maka, alu proses kinitekenta nandai Dibatanta bas kegeluhenta e mabai kita nggeluh reh mehulina ras reh payona i lebe-lebe Dibata.

Kiniteken teridah bas kepatuhen man Dibata